

江鄉此際雞豚社俚舞村歌入夢魂

先生粗有辟邪方不怕鱖魚解降殃今雨收功真溥博  
早秋得勢已淒涼幽場栗栗方登穀漢甬陳陳可峙糧  
此是邊籌居第一賈生表餌且韜藏

牀頭酒熟氣烝歎嘉飯何妨置瓦盆醉飽不知身世事  
思量難報后皇恩垂髫牧子行牽父戴白山翁坐擁孫  
卻笑東征西討客龍堆萬里欲飛魂

喜雨

古佛爐前一炷香神龍天矯掛空蒼人閒祥瑞六月雨  
枕上吟哦終夕涼不待白渠紛畚鍤俄驚赤鹵屹倉箱

開慶九

五

煙嶼樓校本

自慙太守無功德帝力惟知荷聖皇

西抹東塗老不禁芙蓉洲畔更浮沈數莖半黑半絲髮  
一寸憂晴憂雨心烏糝且欣將浙玉紅蓮何翅已抽簪  
小臣獻穀秋嘗了深密山林可訪尋

晚上危樓望碧岑雲煙開闔弄晴陰見前鷗鷺移心法  
何處鷗臯過耳音好雨十分催暑駕涼風一宿動秋砧  
誰憐老子思鄉淚滴向鄞江未是深

再用喜雨韻

古說雲香雨亦香天工豈是色蒼蒼寸瓢假手何煩靖  
斗酒開眉不換涼穠穉已欣登杵日綌絺漸可納巾箱